


國立故宮博物院珍藏



清代起居注冊

光緒朝
第六十七冊



清代起居注册 / 光緒朝 / (清)徐致祥等奉敕撰, --
 民國76年：臺北市，聯合報文化基金會國學文獻館印
 行，影印本
 80冊 21公分
 據國立故宮博物院藏手稿本影印
 聯經出版事業公司總經銷

I. (清)徐致祥等奉敕撰

654.77/7974/76

NT\$ 68,800.00

清代起居注册 光緒朝第六十七冊

資料提供者 國立故宮博物院
 景印者 聯合報文化基金會國學文獻館
 發行人 王必成
 發行者 聯經出版事業公司

臺北市忠孝東路四段五六一號
 電話：七六三一〇〇一六九五
 郵撥：〇一〇〇五五九一三號

行政院新聞局登記證局版臺業字〇一三〇號
 保有版權，翻印必究

中華民國七十六年二月初版

光緒朝共八十冊
 定價每部新台幣六八八〇〇元

76.02.0650

.6500113

光緒二十九年歲次癸卯正月初一日丁巳寅刻

上詣

奉先殿行禮

詣樂壽堂

慈禧端佑康頤昭豫莊誠壽恭欽獻崇熙皇太后前請安

長刻

皇太后

陞皇極殿寶座

上率王公大臣蒙古王貝勒貝子公額駙文武大小
官員等行慶賀禮禮成

詣樂壽堂院內跪接

皇太后前遞如意已刻

御太和殿受王公大臣蒙古王貝勒貝子公額駙台
吉文武大小官員等行慶賀禮禮成

詣

大高玄殿拈香

壽皇殿行禮

詣 閱是樓跪接

皇太后率閱是樓侍膳看戲

午刻

御乾清宮

陞寶座

賜近支宗藩等宴畢

奉

皇太后幸閱是樓侍晚膳看戲戲畢跪送

皇太后還樂壽堂

駕還養心殿內閣奉

諭旨明歲恭逢

慈禧端佑康頤昭豫莊誠壽恭欽獻崇熙皇太后七旬

萬壽仰維

懿德普被寰區慶洽敷天歡騰率土允宜殊恩特沛加
惠藝林著於本年舉行癸卯恩科鄉試明年舉行
甲辰恩科會試其癸卯甲辰正科鄉會試即歸併
丙午丁未科舉行俾茲多士忭舞觀光用副朕錫
類延

釐壽世作人至意該部即遵諭行

是日

起居注官宗室景厚趙汝翰

初二日戊子

上詣樂壽堂

慈禧端佑康頤昭豫莊誠壽恭欽獻崇熙皇太后前請安

辰刻

詣

坤寧宮等候

皇太后率

皇上至

西案前隨同行禮畢

皇太后

陞北床

寶座

皇上

陞南床

寶座賜王大臣等喫肉畢

奉

皇太后幸閱是樓侍早晚膳看戲戲畢跪送

皇太后還樂壽堂

駕還養心殿內閣奉

諭旨上年順天直隸各屬被災地方業經分別蠲緩
糧租小民諒可不至失所惟念今春青黃不接之

時民力未免拮据加恩著將被災歉收之武清等
州縣各村莊應徵本年春賦地丁錢糧等項並原
緩光緒二十八年及節年地丁錢糧等項分別緩
至本年麥後及秋後啟征其坐落武清天津二縣
地方之津軍廳葦漁課納糧地畝並歸入該二縣
災歉村莊一律辦理以紓民力該督即將原奏所
開詳細數目刊刻謄黃徧行曉諭務使實惠均霑

毋任吏胥舞弊用副朝廷履端布閭嘉惠畿疆至
意該部即遵諭行

是日

起居注官熙瑛王崇商

初三日己未卯刻

上詣

壽皇殿行禮

駕還養心殿

詣樂壽堂

慈禧端佑康頤昭豫莊誠壽恭欽獻崇熙皇太后前請安

內閣奉

諭旨朕恭奉

慈禧端佑康頤昭豫莊誠壽恭欽獻崇熙皇太后祇謁
西陵於三月初八日啟鑒著各該衙門敬謹預備其由
京啟鑒及經過地方一切務從簡省所有經費著
袁世凱覈實撙節准其作正開銷絲毫不許攤派
民間以免擾累其餘隨扈各事宜著御前大臣軍
機大臣內務府大臣隨時覈議請旨遵行又奉

諭旨誠勲奏查明杭州等府所屬各場荒蕪未墾竈
蕩田地請蠲免竈課錢糧一摺杭州嘉興松江三
府所屬荒蕪竈蕩上年墾復無多若將應徵竈課
錢糧照常徵收竈力實有未逮加恩著照所請所
有仁和海沙鮑郎蘆港橫浦浦東等場荒蕪未墾
竈蕩應徵上年竈課錢糧准其全行蠲免以紓竈
力餘著照所議辦理該撫即刊刻謄黃編行曉諭